

沅湘耆舊集卷第四十三

新化鄧顯鶴湘臯編輯

鄧縣沈道寬粟仲校訂

方外

嵩愚禪師觀衡 一首

觀衡字嵩愚霸州趙氏子初依清涼國師徧參諸方得心印於曹溪憨山萬歷中杖錫至寶慶衆建五臺庵居之以佛法接人一空禪白歷二十年出遊湖湘諸寺院所在公卿緇素稱爲古觀音再來法嗣最廣有紫竹林集

再過邵陽示友

天涯行腳一孤僧。屈指江湖信幾朋。亂擾白雲千補衲。橫
挑明月萬年藤。朝餐煙市誰家飯。夜宿虛堂何處鐙。選勝
場中題目舊。心空及第是同登。

達觀禪師 一首

達觀萬歷中奉勅至南嶽。因隱焉。有詩一首。鐫廟

石壁上

石壁詩

修廟還栽廟裏松。廟修雲外鶴巢空。何如依舊不修廟。問
得長松老化龍。

釋無涯 二首

無涯字無涯。始入廬山二十一年。萬歷中至京師。以

戒律聞賜紫衣歸武岡雲山靜參二十年坐化有
塔月華峯上

悟道偈

適性因求靜無懷謝是非大都日用事俱在目前機雲月
常相與溪山足指歸八風吹不動真宰本無依

雲山卽事

寂寥清曠住雲山冷澹柴扉不用關雪月有光寄碧落藤
蘿無意待緣攀輕移磊磊前基石改築平平舊路灣多事
自知隨覩破且消大嬾遣幽閒

介大師髡殘二首

髡殘字介邱號石溪又號白禿一號殘道者武陵

人工山水有浮查詩集師爲武陵劉氏子母夢僧入室而生稍長自知前生是僧嘗哭求出家同里龍半庵一見絕愛之半庵儒而禪者也師一夕大哭不已引刀自薙其頭血流被面半庵聞之大喜遂令遊江南參學至白門無所遇遇一老髡問師出家本末言與已同但已得雲棲大師爲之薙度因請大師遺像拈香禮拜爲師老髡與議名知杲蓋雲溪派也卽返楚卜居桃源餘仙溪上半庵晝夜逼拶久之忽有所悟心地豁然遂成無事道人再往白下遂駐錫長干謁浪杖人一見皈依明年浪杖人示寂諸弟子以杖人親書法偈遺命授師

師脫略一切獨嗔怒不可解在剎堂與諸髡不合
有捐貲別構大歇堂以居師者師謝以偈曰紫蓼
生來都喫盡身心不待死時休借地兩板爲棺蓋
好事從頭一筆勾疾革語大衆死後焚骨灰投棄
江流衆有疑色師大叫曰若不以吾骨投江者死
去亦與他開交不得衆遵命舉火後投其骨於燕
子磯下師歿後十餘年有瞽僧親至燕子磯募工
升絕壁刻石谿禪師沈骨處數大字於上事見師
弟子斧公所紀最詳而錢澄之據以作石溪小傳
石溪身頎面皙頭白如雪冬夏一禿頂身臂少受
寒溼時作痛甚厭苦之投灰之命亦惡其肢體向

多痛苦仇視而棄之也天姿高妙見解超脫所與
遊皆故老遺逸有志意之人顧亭林先生亦其一

也石谿山水世推重之詩多不入格故所收較少

周亮工棟園讀畫錄石溪和尚名髡殘一字介邱
楚之武陵人幼而失恃便思出家一日其弟爲置
毡巾禦寒公取戴於首覽鏡數四忽舉翦碎之并
翦其髮出門徑去投龍三三於浪杖人杖人深器之
訪得悟後來金陵受衣鉢於浪杖人杖人深器之
以爲其慧解處莫能及也公品行筆墨俱高出人
一頭地所與交者遺逸數輩而已繪事高古然不
輕爲人作雖奉以兼金求其一筆不可得也至所
欲與卽不請亦以持贈余從瑤星張子與交因乞
作冊子數幅公欣然命筆自題云殘山巖水是
道人家些子活計今被棟園老子奪角爭先云云
方邵邨題其畫云曲曲邨墟歷歷真長鑠不共短
筇論非關筆墨多殘漏老衲舉天樵自隱身瑤星云
舉天地下言詩幾人發自性靈舉天樵自隱身瑤星云
諸天地舉天地下言禪更幾人拋卻故紙摸着自己
鼻孔也介大師箇中能象直踞祖席然絕不作拈

推豎拂惡套偶然游戲灑吮輒擅第一此幅自云
效類米家父子正恐米家父子有未到處所謂不
憾我不見古人滅古人不見我耳張庚畫徵錄
禿髮統石溪又於白禿又自稱殘道者武陵人少
時自增其髮投龍三三人家庵旋遊諸名山參悟後
來金陵受衣鉢於浪杖人住牛首工山水奧境奇
關緬邈幽深引人入勝筆墨高古設色清湛誠元
人之勝概也此種筆法不見於世久矣蓋從清團
上得筆所也以
不猶人也

補山堂題畫

讀翁補山歌未已截壁噴旣覲面起五嶽陰生一草堂眉
毛厮結三千里巨靈有手必有心結精經營淺處深蓮華
芥子古莽國世界微塵荆棘林草堂草堂爾知大地亦墨
汁變化不異粉本之咫尺沙蟲猿鶴聲啾啾烏知天地育
金石

落花

功殆將成此退宜山中散髮臥雲時錦衾杜老亦何與濯
魄冰壺胡可期片片剖心連赤血遶遶斷臂儼吾師臨風
欲寫還遲願香色全無始盡疑

附錄亭林先生王徵君演具舟城西同楚二沙門
小坐欄橋詩大江從西來東抵長干岡至今號
柵洪對城橫石梁落日照金陵火雲生秋涼都城
久塵空出郊且相羊客有五六人鼓柁歌滄浪盤
中設瓜果几案羅酒漿上坐老沙門舊日名省郎
會折帝廷檻幾死丹陛旁天子自明聖畢竟誅安
昌南走侍密勿一身再奔亡復有一少者沈毅尤
非常不肯道姓名世莫知行藏其餘數君子鬢眉
各軒昂為我操南音未言神已傷流血成江漢流
實當其吭出入十五郡南國無安疆血成江漢流
骨與濤流望赫怒我先帝親遣元臣行北落聞和
門三台動光芒一旦賁大命藩后殘荆襄遂令三
楚閒哀哉久戰場甯南佩侯印忽焉竟披猖稱兵
據上流以國資東陽豈無材略士忍死奔遐荒落

雁衡北回窮鳥樹南翔可憐洞庭水遺烈存中湘
連營十三鎮恣肆無朝綱夜半相誅屠三宮離武
岡黔中亦楚地君長皆印章國家有驅除往往用
土狼積雨閉摩泥海流漲昆明蠻厥地斗絕極目
天茫茫頃者西方兵連歲爭辰陽心悼 屋遠眼
倦烽火忙楚雖三戶存其人故備疆崎嶇 二君子
志意不尋常鄭公抗忠貞左徒吐潔芳舉頭是青
天不見二曜光何意多同心合沓來諸方僕本吳
趨士雅志陵秋霜邈來新亭宴得共賓主鴈戮力
事神州斯言固難忘我甯為楚囚流涕空霑裳

釋溥良

十六首

溥良字去六一字合巖攸人著有合巖詩集合巖
幼工書能屬文及長以詩見知於邢陽王王奇其
才欲以湯休賈島故事擢之不可後謁顓大師於
五臺庵年八十五卒詩有風格非他釋子可比
別畫友之武昌

養拙全老嬾終年與人違惟君多幽曠向道絕甘肥十日
晝一山時來叩我扉我扉何用叩君來亦似歸頃有四方
志將窮五嶽微嶽麓自茲始晴川正依依莫笑黃鶴去休
譏鸚鵡非祇安原憲性便自長清機

過洞庭

洞庭煙曉霽雲夢氣初晴水際疑天盡舟前看日生城危
驚墮影鳥駭過無聲憾有君山在湖光稍未平

秋螢

一粟光盈翼飛飛密復稀穿林驚鳥睡入座點人衣月下
疑星落霜前怯火微曉鐘催不去猶自繞邨扉

秋山

朝來乘爽氣曳杖步崎嶇山骨棱棱瘦煙容面面癯逕荒
紅葉滿洞古石門虛莫話眉無黛由來谷姓愚

喜陳耳臣山歸入社得禪字

獨是君來後情兼筆研先持將一壑意吟入六花天靜乃
生餘慧補尤參半禪數迴羣動處相對各森然

和吳牧之江干晚步

沙行新雨後水浴見鳧雙日落留殘浦煙生鎖暮江暝催
棲鳥翻喧急打魚艘境自隨人轉同吟聽澗淙

讀乳庵詩

意香何處入梅影一庵深以深人人想通于山水心避羣
操獨鑑向遠發孤音豈曰非經實相將視古今

初度

開階忽落葉葉響動霜林時讀悲秋賦因成無事吟雁過
難辨字蛩語不成音此景當今夕益傷遲暮心

宿來龍蘭若

江庵况復遠江村僻處全無些子煩遂覺身藏深谷底渾
忘耳是衆喧門松風吹帙研方潤竹雨濛煙窗易昏幽致
儘堪供卒歲惜無元度與同論

密公以出山訪友不值今歸海澗芭蕉庵作此別之
兼訂後盟

萬騎嘶屯劍血腥一瓢豈可入危城還山旣自堪身隱聚
石猶能作友生巨海迎眸雖似澗芭蕉入耳是何聲此中

若可容商證遲我松窗看雪明

哭陳桂林用胡進士輓韻

墳迷青草滿荒原孰識中藏烈士魂
挂籍十年殉鬼錄錦

堂一夕化煙邨

自注公所居珠錦堂時皆煨燼

淒涼北郭愁屯壘惆悵西

州慟過門橫帶黃金多衛霍誰拋一死報君恩

寄不韻堂頭

慙非白足履西山空使神遊幾往還
筋斗誤翻前地弄腳跟遂隔上頭關
遙聞指柏親承旨密示拈花獨破顏
高託無絃藏古調許推妙指一輕彈

午日觀漲

濤兼風雨雜江聲江勢因之渺渺生
千里魚龍驚窟壯數

拳鷗鷺失洲橫豈真屈子忠難泯猶遣湘波怨未平漁父
茫然無可問獨於澤畔一含情

別秋

霜氣釀初寒風聲滿竹樹可堪葉落時又是秋歸去

讀書柏庵巷別劉杜三

花時不共破春寒匹馬山中問嬾殘行李莫教梅雨溼柏
陰深處晒書難

山分窗翠佛分鐙慧業漸深雲一層卻笑入山還世世三
年遲我恐難憑

釋一念一首

一念上元人先世爲指揮使祝髮衡嶽嘗寓居新

寧放生閣即與鄧子與先生交好子與有挽一

念和尚及月夜禮和尚塔三詩

放生亭

竹影罩江亭隱隱暑不生
看山消白日翦菊護青英
獨坐心逾寂徘徊月正明
蕭然忘物我禪意聽溪聲

釋旋偈三首

旋偈字山樗邵陽人與車孝思先生交好今所存

詩僅三首意境老到殆亦有託而逃非常僧也

訪車孝思先生宿楞嚴庵

離城殊未遠亦自歷多村
遙望山尋徑如同飢出門
論詩知杜細投社見陶尊
飯罷尋庵宿僧歸夕已昏

次韻答車劬庵

華門風雨賸餘寒
總為花經夜雨殘
綠點苔痕綠地溼
青添樹色滅天寬
掉頭不肯因人熱
唾面何妨只自乾
隔嶺聽鐘知是寺
幾能來話寺鐘安

送王郡丞北歸

清影還期共月輝
秋風催葉葉催歸
聞公室與華山近
山景幽深好息機

釋行發 一首

行發益陽人

新逢元日盧復郎
以詩簡余有飲罷
高聲讀楚詞之句
依韻答之

東林無酒飲君卮至性淵明不再辭寒盡已忘更甲子
緘開更憶隔年時琴書早愛風煙固柏竹同盟骨節奇
流水自茲還自聽何傷正則扈江離

釋大成 四十二首

大成字竺庵醴陵人著有攝山南嶽會聖堂等集
竺庵少披薙於南嶽後行脚四方居天目最久及
老倦遊仍歸南嶽毘盧洞廣濟禪寺詩有奇氣不
似方外人語其拳拳故國君父之感尤非他釋子
所及惜不見其全集也

古意

人生本無定胡爲論行止出門三步寬良驥徒千里得意

成金石失意成泥滓君看古英雄畢竟為誰死興廢雖有時無言問桃李鄙哉黃口兒毀譽從人起

南山高萬仞牛羊不可上如何有牧童泣岐生惆悵北山高萬仞雲霞時飄蕩不見採芝人天路空相向

天目山居

世遠山亦古人來鳥多驚乃知動與靜皆是性習成閒持一卷經坐誦流水聲鬱鬱青嶂裏隱隱白雲生此中會意處不覺自忘情

好山四時幽不在青與蒼萬木葉落盡寒巖花正香松火煮雪團瓦鐺生玉光童子坐木几野夫臥石牀閒言亦成韻讀之發清涼

長松覆我屋松老屋亦老惟有巖前花年年春色好榮枯
本無情消長良有道多少住山人空將落葉掃豈知神牀
邊時生靈芝草

戰城南

去年住河內今年住河東豈知河東苦原是河內凶健兒
有數千箇箇爭先鋒五日不飲食饑色滿顏容安得真英
雄騎馬如騎龍安得真壯士力兵如力農可憐白骨堆青
草生秋蟲

秋風千萬里秋聲不可聞舊時歌舞地今日草紛紛不見
貴公子但見猛將軍黃金旣銷燦白玉亦空焚如何閨中
婦擣衣尙殷勤

雁足吟十九首用古詩韻

錄有三引

予辭桑梓二十二年以鈍根問道海內非敢後也力不能先方有所聞滄桑忽變幾擬歸南嶽一掃先塔得以假道還鄉拜父母墳墓敘手足久別之心乃因事羈身不克攸往望北鴻於南返聽西水於東流動風木兵燹之悲傷日月駒隙之感嗚呼老矣誰悔前脩勉作此詩用以代面

蕭蕭林外風弄我庭前草駕言春欲歸懷人思遠道遠道在長江風波日浩浩春光不待人吁哉吾已老

每愛松與竹青青臥巖阿所以半生夢僅僅在綠蘿懷子已有時負志各有宜欲知杖化龍會當問葛陂歲月日如

流豈云脩未遲形骸何所恃耳目何光輝身隨浮雲散名
逐落花萎朝聞夕可死此義當勇爲

幽蘭種密室所貴善培滋豈無同心人結根共相思相思
不可見此意誰致之寄言諸故交好慎風雨時

和寒山百首之三

大虛無隱晦日月自在來達人各知命不爲歲時催山靜
鳥復喧水流花又開如何征戰客一去竟無回

長江千萬里流水去無息扁舟風波中日釣魚爲食得魚
心歡喜剖魚心慘惻直鉤與曲鉤魚兮識不識

有客不封侯愛作赤松子卻笑侯門人積年種桃李桃李
滿門牆甲第連翩起客從遠方歸桃李變荆枳

冬夜宿東林有感和壁間王陽明先生韻

日暮江州行草草來到東林月正好千峯萬峯寒色暝雲
鶴不知山寺老寺老僧殘大可哀白蓮試問何時開遠公
精神猶未死應有高人乘願來虎溪橋畔誰回首漫笑陶
潛只戀酒茫茫宇宙幾人醒白玉黃金成腐朽夜半松風
落滿庭浮鷗何處宿沙汀披衣坐看銀河皎無數空山枕
上青

山居

一株兩株老松青松下結箇小茆亭三日五日來一次肩
荷柳栗手持經讀經讀到山月出聽松聽罷天落星適然
拋卷松閒臥夢與松根乞茯苓

月盈門孰臥牀信有練花牽海嶽了無珠淚落瀟湘等閒
謾爲青山捲恐惹黃鸝亂叫梁

羣卉凋殘不見香冒寒生得意徧長帶來溪寺三更月點
出丹爐六月霜佳味止園清可掬幽姿絕世墨難裝應知
一飽忘飢客半在山鄉半水鄉

清明雨中

斷編滿天下雄名塞世閒男兒兩行淚幾到北邙山

山居百首 錄七

山中白日長獨坐看雲好落葉本無心輕輕蓋碧草
空谷杳無聲有時發異響羣峯忽入門始覺月初上
碧澗水潭潭空山時照影誰知動靜中面目終年冷

山月夜依人不向空中住直上萬峯頭冷照青松樹
我有珊瑚鞭不輕閒撥草清風入室時密與煙雲抱
昨日採山南今朝採山北滿筐明月光總是青山色
綠天萬樹松雪濤聲滿屋寥寥清夢餘毛孔皆絲竹

天目山居

生涯一力力還能破草新開舊葛藤倦後石頭都是枕臥
看山骨瘦稜層

四壁疏陰長綠苔蕉窗時向遠峯開數行墨跡看方好卻
有幽禽問字來

雪中過華亭船子渡

兩岸煙波鎖凍舟釣鱗人去月沈鉤問渠三十年中事潮

水無聲暗點頭

賦得山中何所有一首

十二樓臺一枕長松風北面紙窗涼泉聲盡日花陰裏不
煮黃精夢亦香

山居

幽深落落繞柴門古木悠然護短垣分得小橋閒鳥語且
同流水敘寒溫

釋明照十九首

明照字元鑑一字別山黃陂阮氏子早值亂離雍
髮爲僧性高潔工詩文初寓湘潭後卓錫長沙龍
泉寺與襄陽袁奐參嵐稱莫逆交著有衡嶽唱和

諸詩及樸堂詩集別山詩語多沈著一空彼法策
曰亦不墮寒河流派

喜秋

莫作悲秋賦秋清意正投明全歸月魄香盡散樾頭志愜
滕王閣情深庾亮樓更闌無限思仰面看星流

酬三尹大師

賤軀頗苦病似著絕交書候雁音猶阻登堂問亦疏囊空
齊已句詩羨石門居靜識朝昏氣全無一筍蔬

夜不寐

永夜不成寐縈懷字字淒亂離身易老雲水杖空攜林葉
聽霜墜窗禽待漏唳漆園余有意所憾物難齊

除夕

此夕聞除舊惟余似未從插梅仍喚臘煮筍尚呼冬髮豈
繁霜改身因老病慵不須論往事且叩隔年鐘

山居雜詠

亂離無贖士更不怨湘江漂泊緣洲葦蕭條及釣艘黃陵
妃子廟汨水大夫邦烽火煙難盡猶然到北窗

敢曰耽幽趣聊成隱者棲避喧開僻徑謀食理荒畦難得
龍爲杖何須虎是溪年來詩興減隨意聽黃鸝

白眼天涯外風威雪亦嚴撒鹽窮木末嵌玉到山尖袖破
難藏手鉤長任挂檐安心唯糞火一芋倩誰添

投老學山居幽棲禮法疏花闌隨鳥坐竹徑任人書有道

門空掃希夷夢竟虛幾回搔首問天意費踟躕
抱病遭時異何當夜苦長漏深蛩語切燈暗鼠牙張斂重
農頻困霖愆圃告荒老僧無五畝亦自墮淒涼

坐新塘寺苦雨遣悶

誅茆封四壁坐我苦吟身煙重噴柴溼巢寒嘆鳥貧支牀
雙疊足裹飯獨懷人此外空諸有惟余嬾是真

秋中有約同袁參嵐張子垣登祝融諸峯作衡嶽秋
青插重霄放眼窺崔魏壽柱障南離星垣翼軫高三楚波
國瀟湘帶九疑李泌空思煨芋火向平終未解塵羈水天
同碧晴空洗奚必樓頭問退之

卜子枉顧以詩筵見惠依韻奉酬兼懷紫仙明府

豈意尋登太乙壇，相將攜手夕陽殘。
從誰巨擘開靈嶽，若箇狂生障倒瀾。
宿霧一天人影醉，清湘五月草堂寒。
與君緩步林臯望，在在丹楓未忍看。

新正連日大雪

彤雲竟日撥雲開，幻卻河山一味皚。
春意或教平險峻，天心乍許淨塵埃。
冰垂檐溜消還長，花散空明去復來。
極目繁華今白屋，笑余不覺步瑤臺。

六十自壽

時來活計不須論，檢點形骸尙幾存。
記事資從昨歲鈍，著書眼在半年昏。
山林稍得清魂夢，紙墨無非濺淚痕。
獨有寸懷良抱愧，偷生畢竟負深恩。

亂後還家簡友

原注時苦飢荒加以洞庭之警粵西告急

隱几凝眸幾度思
難堪玉粒餽塵時
北驚湖水千尋浪
南駭周宣六月師
不謂羽書煩傳遞
更教風雨暗湘灘
白衣宰相紛雲嶠
老驥留忘伏櫪悲

落葉

秋風盡掃上林陰
坐閱俄驚感慨心
護琢亂飛淒切句
堪憐將墜寂寥音
鳥當苦噪嫌巢冷
蛩獨長吟喜砌深
記得千金會一刻
那能消受到於今

全無活計可人憐
興滅生平與世遷
樹樹摧殘顏頓改
峯搖落眼空懸
鄭處斷送狂三絕
張旭消磨老一顛
畢竟高懷多韻致
白雲堆裏唱新篇

釋寂知一首

寂知無考

龍山

偶繼龍山隱寒封古寺深
鐙懸干界月雲老萬年心
蘿薜緣溪綠煙嵐映澗陰
虛堂香一縷裊裊動聞吟

釋旋伯一首

旋伯字慈元

浮雲石

雲浮洞口千秋夢布水飄空
萬派聲何似崖居聞道者
夜攜泉石煮沙鑪

釋知舟一首

知舟字鐵帆

象山

三閒茅屋不空疏
土釜繩牀事事如
山外數峯千尺筆
窗前一水萬家酥

釋本謙一首

本謙失考

遊金峯

策杖逶迤著履難
登臨坐喜老僧單
暮春山接雲還冷
盛夏峯依日尚寒
石上丹鑪無汞煉
巖前黃獨有人餐
手攀星宿疑天近
謬放詩懷入眼寬

釋知眸一首

知眸字圓觀

桃花洞

嶙峋一洞古桃源灼灼繁英幾樹存繞徑綠蘿垂石壁徧
林紅豔染雲根詩聯野衲人俱韻坐對高流語不煩曳杖
歸來鐘磬晚隔江呼渡過前村

釋德岱一首

德岱字道掌攸人

初秋懷蔡長容陳侶琴洪冬宜山居

亂離如此甚公等復何之憾望雲深處迢遙天一涯露當
初白夜楓尚未黃時我在板橋上悠悠空爾思

釋源徹一首

源徹字澍可澧州人

亂後贈慎到此住持

南州之美無如澧柳子斯言自可商林嶺盛陳仙佛窟水
雲漫結象龍鄉十年兵火煎熬徧一帶湖山掩映荒幸有
蘭州終古碧支鐱期女共炊香

釋行徹一首

行徹字繼總衡州人劉善長之女嫁陳氏子而寡

中歲出家為僧通徹弟子住嘉興福國禪院有語

錄明詩綜詩話繼總偈語多近詩者如山居云野
猿探果熟巢鳥入林深送人云晚食尊絲滑秋
衣薜荔輕落葉云秋聲干葉墜
遠影一巢孤均有郊島風骨

秋日懷母

不見慈闈秋信來
籬邊黃菊帶霜開
爲憐消息無人寄
一
日峯頭望幾回

釋全真一首

全真不知何許人
與湘山壽佛同名
有絕句一首

見江進之先生雪濤詩話
似不食人閒煙火語

桃川題壁

磨快劔頭挖苦蘖
不知山下白雲深
多年寂寞無煙火
細嚼梅花當點心

釋知休一首

知休居茶陵秦人洞
不食煙火凡閱月
偶爲樵者所見
始有物色之者
往山多虎患
知休與虎馴狎

作偈戒之今其境虎不傷人一日坐化塔藏洞口

題秦人洞壁

我到龍回似有因特來此地覓前身洞中鐘鼓猶無恙不
記當年緇貝人

無學大師二首

大師徽州人本姓王早歲補弟子員爲學使熊襄
愍公廷弼所拔賞棄家披薙歷參諸方笑曰吾決
志作單丁自了漢不能隨衆起倒也因一瓢入南
嶽至紫荊峯縛茅以居署其庵曰單丁復南入九
疑湘人士苦迎出山師示偈以拒獻賊陷湖南師
嘆曰吾往返婆娑屢矣際此劫火焚如正吾御栗

橫擔獨步時耳因說偈端坐而逝

示迎出山諸人

世亂難出山病多嬾開口閉坐深湖中高拱兩隻手

示寂

一十三年獨養機與人同宿不相知這回獨自出山去鳥

道音書寄與誰

牛舜耕 一首

舜耕不知何許人一號一瓢道人澧州志載其七

律二首詔甚平近不知何以仙去澧州志牛舜耕

鄂岳間人呼為一瓢道人最後至澧州人初不識

既久見出語顛狂多奇中尺信口作詩有異語漸

敬之嘗棲香潭寺一日於爐火裏取金一錠付旁

元利善事表

不覆令十餘人昇至城市上手作拱揖狀大呼曰
年來甚擾諸公負道別矣復還至廟中仰臥命衆
人曰可覆我衆不敢覆視之死矣遂覆而埋之扛
舉其輕如空棺然葬後華藩有使至京遇於市以
書與扇寄王啟墓視之棺中
止存一扇華容嚴平子爲傳

居澧雜詠二首

一劍浮游枕簟涼懷人千里路瀟湘天涯春去黃鸝老故
里魂驚白髮長對面好花牽別怨隔窗寒雨滴愁腸可憐
半夜殘瓊冷不夢邯鄲夢夜郎

煙樹雲深月上遲夜郎消息本無期錦書不寄新來憾芳
草空迷去後思淚盡玉關鏗半滅酒醒孤屋夢回時一貧
到老腰難折贏得瀟湘兩鬢絲

資江石刻一首

書石溪亭

桃花依舊放山青
曲几焚香對畫屏
記得當年春雨後
燕泥時污石溪亭

按此詩見明詩綜今不知石溪亭所在石刻蓋無可跡矣

瀟湘集 四首

瀟湘夜雨

長空冥冥雨飛急
坐我扁舟浮夢澤
湘水風生萬竅號
昭潭雲起千山黑
旅魄寂歷秋燈明
耳根已熟江湖聲
人生多髮亦多情
中宵白髮滿頭生

洞庭秋月

纖雲不動金波浮
冷光萬里開清秋
青山一髮渺無際
天

影落鏡星河流中流無人萬籟寂夜深往往魚龍出何人
長笛在扁舟水遠天長露草白

漁村落照

湘江雨歇湘山明千村萬落開新晴急持襪襍挂屋角時
聞欵乃煙中聲煙中日影交凌亂晚霞一抹斜陽岸網得
鱸魚不入城柳外旗亭酒堪換

平沙落雁

荒陂日落沙渚黃新霜十里菰蘆蒼沙平水落雲影薄雁
飛漠漠江茫茫江寒天遠西風急沙上霜晴爪痕溼月明
不怪雁奴驚江湖何處無矰繳

洞庭老人

一首

卓彥恭月夜泊洞庭有老人盪小舟過之歌詩云云
見小草齋詩話

八十滄浪一老翁蘆花江上水連空世間多少乘除事良
夜月明收釣筒

湖山隱者 一首

泊沅江

盡日風帆計水程今宵載月泊江城相驚煙柳秋爭瘦得
領霜柑味乍清野砌蟲音參永夜寒衾鼻息拗荒更波經
八百頻羈旅表記佳湖白芷名

桃源方士 一首

楚中有方士寓桃源之西禪寺題詩寺壁自稱三休

又稱玉堂逐客每言及江陵相輒頻蹙曰此老不曾
讀秦誓前半段後不知其所之

隔江人唱浪淘沙月上梧桐影未斜客到潯陽談往事青
衫無淚溼琵琶

耳園公 一首

君山

山色湖光日漸曛誰將玉佩弔湘君天風一葉連湖起吹
落蒼梧萬里雲

雲壑老人 十一首

雲壑不知何人道光己亥夏余畱滯長沙寓老城
南書院武陵胡秀才公輔以一綾幅橫看來舊詩

字均佳核其年月則滇逆煽亂時也印章有黃岳
主人四字意其爲徽人也時方編輯沅湘耆舊集
因手錄於冊以待考明年來主朗江書院輯明代
詩竟因以數詩附存卷末是集例不存流寓而集
中各家有與諸名人同步者聞亦附錄一二低一
格以別之此亦例也
名姓莫辨皖桐聞多光
姓然詩中有遠志慙吾弟語末跋云同
作所
云吾弟當卽其人據此則光非姓明矣滇亂作時
猶有假先朝之名以號召天下者殷頑子遺佯狂
行吟係懷故國正以顯
聖朝寬大之政不必
曲爲之詞也

神龍方在野焉敢問吾廬百口飄零久頻經喪亂餘地偏
交際少性嬾世情疏且就清溪畔聊營水竹居

鐘鼎看年少雲林屬我曹花枝憐白髮茆屋稱青袍山影
庭中落灘聲枕上高將何消歲月還是酌邨醪

逕轉長臨水簾開卽見山我知高臥好誰識此心閒遠志
慚難弟卑棲善閉關逍遙時佇立雲去鳥飛還

投閒年四十初願豈云乖草木饒新態春風入好懷清鷗
時泛泛林鳥亦喈喈近赴鄰翁約今朝天氣佳

紅綠遍郊原風花處處邨興來仍策杖酒熟便開尊栩栩
莊生夢悽悽望帝魂閒居觀物理所得是忘言

濟勝餘芒屨扶衰恃藥籠半窗梧竹雨滿徑蕙蘭風勛業

吾何有迂疏道不同林泉迷曠客社稷仗羣公

城頭懸片月萬古照清流虛靜羣峯近寒空衆壑秋望中
何處遠天末舉家浮坐久心逾寂翻如守舊丘

鶴唳一天寒澄江落葉殘世應忘姓字身許老漁竿匣劍
無勞拔囊琴偶爾彈不夷復不惠心與水雲寬

知叟徒矜知愚公但守愚新詩虛警策舊業實荒蕪歧路
殊難問高天未易呼愁來還閉戶著論擬潛夫

門掩草堂深清流遶碧岑溪寒漁火靜山雨寺鐘沈夢覺
知亡鹿機忘不擾禽悠悠百代後或見此時心

丁巳卜居廬溪作澄江草堂臨江倚山頗得野人之
趣同聯理作此詩而一二高朋良友亦屬而和之願

自以爲山林之樂可以終身戊午別去登舟回望梧
竹森然又賦別詩二章

回首意茫茫江山一草堂窮愁書未著遊歷興偏長去住
皆羈旅淹留卽故鄉片帆明日遠著處又迷方

茆齋竹樓視之如鴻爪蝸涎不足介意今成方壺員
嶠隨流而去矣能無慨然遂書之以貽子槃姪有時
仗節東行及收故地據此卷以物色之耳雲壑老人

光

附錄王船山先生薑齋詩話鳳皇集阿閣麋鹿遊
山樊物性固有常甘苦能竝存偶思遠塵囂隨意
尋桃源自怡得閒曠臨江啟柴門江光散白雲高
林清心魂形骸已漸忘涕淚聲久吞徒欲憤鬱鬱
溪負國士恩材與不材開願共達者論此雲壑於
普市見寄詩余之交於雲壑以此人無知雲壑者

勿藥其更知余也君歸耽石室余亦泛星槎自度
 桃源境頻尋洞口花江清一雁遠天碧數峯斜雲
 水蒼茫際相思路轉餘雲壑介弟聯寄余作也
 案已上二則知聯果為雲壑之弟竊喜意度之
 中而雲壑名姓籍貫出處本末猶未
 悉也殘鱗片甲若隱若見為之三嘆

沈湘耆舊集卷第四十三終

沅湘耆舊集卷第四十四

新化鄧顯鶴湘臯編輯

長沙毛國翰青垣校訂

國朝

趙尙書開心十三首

開心字靈伯一字洞門長沙人前明甲戌進士

國朝起授陝西道御史累官至倉場總督戶部右

侍郎加工部尙書銜卒尙書素有直聲當

世祖定鼎初卽疏言立政之始一事之得失關係

天下萬事之利害言甚切至又因朝臣跪迎廡親

王請勅禮部詳定儀注舉朝憚之卒爲一時名臣

尚書曾寄居揚州江南通志稱其流寓江都三爲
御史大夫直憲敢言屢挫不屈詩不多見僅從楚
詩紀詩的二書中採擇十餘首有道之言不必計
其工拙也

夜游嶽麓寺

日夕羣峯暝負策臨郊圻青谿意已遠况復月空微山鐘
聞谷口煙鳥無驚飛粲粲寒苔壁松蘿引薄衣篁迳入幽
遠危泉護巖扉霜色滿前路行行漸忘歸

就園二首

水天相渾處靜景水中招花柳知親客覺鷺解避橈境隨
清梵遠神與去帆遙鴈咏無心極清商陋玉簫

選勝何常地會心隨命名淵鳴山谷籟溪湧礧松聲各爾
適佳况因之有別情漫言舟似葦一葉此身輕

山行卽事

歷遍崎嶇徑峯巒總不羣馬驚穿澗水樹款宿山雲怪鳥
名難識幽花路未分隔溪樵子唱一曲遠先聞

暮春吳園次招同石仲生戴滄洲薰芝麓集吳船

不涉風波似隱淪岸桴今共集賢賓花飛婪尾知春晚雪
上鬢眉信老真幾日欲陳休致疏百年難得稱心人論交
漸覺晨星盡慷慨杯中不計巡

寄意洞庭秋之一

蘼花淺水艇西東自信天河有路通放眼本遊滄海外浮

沙汀春書集卷之四十四
生終託亂流中雲間不度來儀鳳草野初無歸澤鴻
荒火投衣空悵望龍門希遇半梧桐

立秋約諸公遊荷花池集飲

溪行何必菱歌女蓮葉相迎勝翠鬢酒力壯來愁欲減詩
腸寬處句難刪得邀風月依人好便覺乾坤於我閒
邱壑憑胸池盪艇臥遊終是負江山

爲宗定九賦新柳堂

種得春深護墨莊風流濯濯憶張郎繞園絕勝松三徑連
屋遮來書一牀攀折不關垂客舍高吟仍待賦長楊
經年河畔青如舊滄海堪憐幾變桑

和姚苔庵冬嘯韻

脫身軒冕且悠然骨帶山林氣帶煙歸思縈迴隨蝶夢憂
懷寂寞泣嗁鵲難將郢曲歌翻雪卻讀離騷懶問天旅况
不堪更節候異鄉寥落屢經年

嚴霜披幹尙成圍嶼暗沙明冷釣磯蘭芷固知當夕秀萼
蘊空自憶秋肥漫云吾道存真是甯謂斯人可厚非松火
竹爐閒隱几披裘端合掩柴扉

喜罷織造

繭卜郊原聽踏歌詔隨春布意如何承筐非復波臣貢恤
緯無憂織女梭新渙綉綸昭日月好持節儉挽山河從今
曳地宮衣少四野機聲軋軋多

贈王山長

衣冠色笑自恢奇到處逢迎國士知
點染依然還面目昂藏端不負鬢眉
衆評虎鼠皆皮相身任飛潛足羽儀
絲竹牙籤聊寄韻無妨揮麈傍摩尼

再遊荷花池

風月到來閒作主江山相對笑難堪
濟川浮海憑人意但道行休是指南

江教諭有溶十七首

有溶字匯伯一字谷尙長沙人前明乙亥拔貢壬午順天副榜授推官不就入國朝爲湘鄉教諭晚忽薙髮號本易和尙著有勿躁齋集谷尙詩存甚少語多悽惋觀其晚歲祝髮空門知一官去就

殆非得已讀山居二律可哀其志矣

城賦

甑誰造城誰築築時多少丁夫哭城誰棄甑誰拆拆出前
人膏與血阿房宮銅雀臺安在哉維鵲有巢維鳩居取子
毀巢意何如

小普陀庵見新燕

將鵲憐語燕泛客到招提似認朱門誤還愁白社迷孤飛
晨雨細軟語夕陽低故壘終難覓吾生何處棲

山居晚秋

河漢如銀瀉悽然欲問天斷腸芳草路隨意淺溪船蘭橈
無辭忽秋聲不受憐松風濤漸息側聽萬山泉

施茶徧中野衣裳集晚荷灘頭擊鼓靜洞口辟糴多題鵝
防謠詠梧楸愜嘯歌深山同宦海各自慎風波

李敬夫車公遠胡石江留宿小園待周九農不至

醉後難扶去甯畱不可歸侍兒分色笑草榻借光輝雨宿

紅鵝嫩

自在是日看映山紅

鑿明綠蟻肥繞梁同燕集一羽待晴飛

寄武燦文

書發心如擣胡爲舉國狂火飛交廟桷血染子衿裳巢卵
無完理池魚恐被殃堅冰猶未至相與慎微霜

按此詩見善化縣志拾遺編稱明末郡中紳士搆
訟爲長沙倡亂之始勿躁齋寄武燦文此詩云感
時憂亂有小雅繁霜之
自焉何其言之中也

石江避地青瀏詩以寄之

兵火驅人散翻如賦遠遊裹糧諸僕共弛擔合家休世布
眉羅密山藏飲啄幽江流千百丈寫入細行郵

岳陽同魯空聲十四夜看月

相逢同繫岳陽船南國煙波在眼前天到洞庭加倍濶月
如湘女未成圓荷香入酒輕沾露官舫看山已隔年吳楚
一江消息斷判談永夜不須眠

山居二首

郊原雨足靜蓬扉許放山林老布衣地隔市城過客少塵
封筆硯笞書稀碁當斂局知高下鳥慣窺檐說是非消受
竹籬根處穩去年春盡尙遲歸

青泉白石坐忘機新整茅廬待燕飛時事急如春雨下名

沙洲耆老集 卷第四 四
心嬾似洞雲歸才疏寡合身先退年少能文事已非安穩
何須頻握粟猜嫌不到薜蘿衣

訪唐魏子不值讀其秋日諸詩

乾坤納納少安居各在湘瀕上下漁刺託人投神不許詩
先客到意何如素交易徒無功宅華屋難停有道車怪我
草廬遭枉過相傳君著閉門書

挽胡石江

恥當言路學容容抗疏廷呼觸大凶人未如先嬰鬼忌身
甯死肯頰時逢梅林地好知冥戀玉樹風高悵遠從志在
三休休不得一棺遙度萬山重

按詩意石江嘗以給諫終湖南通志謂其終禮部
侍郎在吏科一年章十數上言湖南影弊尤切遺

疏猶陳平權鐵業營造却侵漁革夫轡四
事但不知詩中所云觸大凶者何指也

送憩庵遊南嶽爲印公寫法華塔

楓林葉葉下湘干杖履南遊嶽路丹到寺應知山月近閉
門長耐衲霜寒塔中舍利輝豪現海上扶桑洗硯看燃指
三年功行滿墨香熏染盡旃檀

癸卯高秋贈別廖大隱再遊南嶽

秋清一棹又衡陽較勝春晴始泛湘名士只耽南嶽屐詩
筒自愛白雲航正逢林樹當霜變何處僧門不菊香遊事
再經方入室好將題詠勒芝岡

同友人登嶽麓臨江阻風和果如上人韻

松風古道靜聲聞久慕深山鹿豕羣欲問渡船愁惡浪恐

迷歸路憶靈氛僧無過是虛宏濟佛不嘗言絕衆勢殿閣
盡從煙霧影何時秋潔見晴雲

同濟美友鴻訪果如上人重新古道林寺

樵夫相逐入叢林城市剛離洞壑深漠漠塵衣搜殿閣稜
稜瓦石定苔岑百年蒼鼠開生面一鉢黃齏見道心世事
茫然如廢寺耐人風雨細披尋

同王翼之諸公遊嶽麓

殘碑古樹不知名老衲居然作主盟半日閒消千日累更

煗泉乳帶松涼

白注留節
法華泉

飛來石上數峯青遠眺衡陽近洞庭人在半天尋路入紅

迴再憩禹碑亭

白注由拜嶽石
取道觀禹碑

胡侍郎爾愷六首

爾愷字石江長沙人前明丁丑進士太平推官

國朝用山林隱逸薦授吏科給事中終禮部左侍

郎著有且耕堂集

夜遊嶽麓寺和趙洞門韻

羣峯向夕佳遠水明郊圻望舒規始升蕩漾殘陽微幽禽
寂無語敗葉時一飛坐久生薄寒苔露沾人衣四顧莽蕭
瑟孤磬鳴煙扉安得結淨侶至老不復歸

和洞門感懷

披裘長避世賣藥亦逃名未具蛾眉倩終難學步成樵漁
魂夢穩冷暖世情明自是瀟湘客含淚弔屈平

掩扉常寂歷厭聽擣衣聲難遂尊羹願羞牽蝸角名拋書
時命酒看劍偶談兵門徑蕭疏裏何妨棘與荆

關月

邊暮霜華滿沈陰此夕開雕弓明雁塞玉漏徹龍堆吹笛
千山曉鳴笳萬壘哀征人鄉思切望影盡徘徊

小孤山

香國浮人境巋然絕眾援碧環千浪影青立一峯痕有徑
堪僧住無蘿許客捫相看姑緩棹望望入雲根

飲龍熙載寓中和壁間韻

海外神仙擁十洲可能槎泛沂黃流樽前白墮難驅老匪
裏青萍自結秋故國風煙千里夢他鄉鴻雁一天愁憑料

坐對疏窗月卻憶行吟楚水頭

明秘書統虞二十二首

統虞字孝緒號此庵武陵人崇禎癸未進士改庶
吉士甲申之變自經者再賊邏守之不得死乃變
姓名走固安本朝以原官起用爲邑令所跡固
辭不受大學士范景文東帛聘之曰統虞今之許
衡不可失也敦迫就道授國史院檢討連充鄉
會試考官超拜國子監祭酒時方開創公議立規
條以明善誠身爲要尋充太宗文皇帝實
錄館總裁官晉禮部尙書拜秘書院大學士會公
主壬辰會試所拔皆單寒貴游被黜者多遂撫拾

首題論劾會元程可則被削下考功議鑄六級降
補秘書院學士卒於邸第公博學多聞汲引後學
如不及卒之日囊無一金門生輩爲經紀其喪始
得歸公門生多勝流萊陽宋琬其最著也詩不事
雕琢自爾諧暢

贈杜于皇

疾走如奔馬急歇成大悟豁然生面開天地一指顧蹴踏
毗盧顛斷截葛藤樹此中誠蕭蕭何妨物來寓性情同乎
人所貴在能恕狂傲全其真俯仰存其誤咄哉吉士懷煙
水溪山路

歲暮再遊星沙別陶仲調馮根公劉杜三黃眉最尹

尊子謝魯玉吳次梅謝孺玉郭幼隗諸子

尋秋入嶽麓中道窘陰雨歲莫遊人稀山深雪如堵我行
在山外卑山等撮土邈邈陟高峯盲盲俯平楚人生履平
地懸念猶石乳想結成礙陰趨變立今古中有素心人能
爲風會主睠焉顧文禽而自修毛羽毛羽不自戢飲啄那
得取此身若漏卮世事類焦釜相傾至今日鍊石胡堪補
維我同肝腸千里車相輔古道恆若斯抱膝吟梁父

琵琶行

更殘坐欲闌悲風拂長竿隔鄰有豔女時抱琵琶彈彈者
不知聞者苦梅花紙帳誰爲主選妓場中奏合歡其誰惜
此黃金縷薄命不求人棄取愧殺梁園逐歌舞

渡沅水

灘淺聲如瀉人行逐影流
歇鞍休病馬掬水戲浮鷗
野渡橫西岸江關截上游
莫言鄉國遠襟帶在扁舟

送元升伯氏之貶黔任

霜草難爲別風塵苦作歌
折腰懷靖節擊筑和荆軻
况味亦復爾情懷良足多
擎杯不欲盡近夜去如何

秋日星沙別劉杜三卽次來韻

嶽麓重相聚問君湖上遊
燭難消永夜雨欲老深秋
時看匣中劍思焚舊日舟
何堪賦離別回首數峯幽

春夜泛秦淮

暮煙開遠岫流水浸梅花
貰酒藏春塢移舟隔浦沙
霜侵

紅蠟冷月滿晚潮斜醉問新豐旅青谿第幾家

秋暮歸自星沙喜晏天河過訪次韻

秋容荏苒三十日半度閨連在橘州鴻雁甫催遊子騎芙蓉猶繫故人舟心懸今古人將老身寄湖山世與浮指點風霜顧華髮相逢同賦少年遊

張西漁樓中晚眺言懷

山抱平原百畝餘寒枝落盡草難除夕陽嶺表瞻雲舍旅夢花間護板輿新月半窗涵冷露秋風一夜賦鱸魚深林漸覺行人少馬首東來十月初

冬至和張太學三省韻

萬物嚴寒歲又窮到頭消息有無中春回午夜千門曉日

捧天闈八表紅一物靜觀皆萬象百昌榮暢見全功莫言
此際陽偏穉早向羣陰暗裏通

將發白門飲印雪浪

六朝佳麗此山河風景能教幾度歌湖湧白門來雪浪雲
開青嶂露晴螺可無宿債堪償酒賴有良朋好作歌今夕
又添楓葉憾平分秋月挂藤蘿

薊北

薊北淹留賦楚詞重將做繭織冰絲學仙空憶三茅酒對
客難終半局棋觀水應當觀海若看山須是看峨眉春風
已逐東皇去一任楊花滿面吹

春閨四首

淨掃鞦韆院花飛去又來如何故搖落不待五更開
夜雨滴空階瀟瀟不成寐吹去溼郎衣半是相思淚
春風吹我衣裊裊侵寒臂獨坐最高樓傷心祇沈醉
樓前楊柳枝春到綠遲遲不向春前發臨風傷別離

春仲讀書仁壽庵

水滿池塘長綠萍看花半是夜青青春光已過五十日偏
到花開春不晴

懷問石和尚

老人結庵白雲嶺坐斷雲林愛孤冷一夜風前踏月歸振
衣掠盡空山影

秋日星沙懷歸

湘水連雲曉未收征帆遠挂碧天秋心隨江上蘆花雨吹到臨沅古渡頭

中秋前一日晚發紫沙洲

月爲離人不卽圓清光殘夜照歸船莫言秋色今如許明月平分又一年

春暮有懷

青梅如豆柳如煙夢裏懷人似昔年風靜夜寒天未曉一簾疏雨下平川

春日寄懷友人

和風送雨香飄樹嫩柳窺人綠上衣最是多情心緒懶書梁時有燕來飛

闕遣安士登九首

士登字岸先桃源人崇禎時拔貢歷汶川沙縣知縣國朝授遷安知縣降知事著有潛庵近草

山中雜興

西侯林巒澹窮居得四和孤尋多坦步老至畏蹉跎桐作秋聲賦蟲噓子夜歌偶聞諸洞近飛夢到寒婆自注渝境有寒婆洞

遣懷

紫荆銷白晝撥禿勝青衫渡馬纔知倦荒塍已費菱壯心看短劍生計託長鑄自笑無三窟營營遜狡禽

館張千里迎翠亭

青嵐排闥入知足戀元暉籬下悠然見城頭不暫違松根

山際髮蘿雨半峯衣只此堪休暢亭空鳥自飛

感懷

不是傷心候難銷客子魂時訂腰領賤文危羽林尊黃鳥
能無賦青鎗且勿論叩門辭自拙若箇飯王孫

偶作

南華讀罷讀黃庭日對南山積翠屏夙世想因官翅部周
天應不謫茶星病餘未減歌鳥興孤往宜登放鶴亭卻怪
耳邊聞未得松濤梧響一時聽

同驪雲張倩探張夢得病寒有作

休傷憔悴與友離狂癖書淫病每隨熱不因人甬作我交
能如水卻憐伊換來胎骨證仙易醫去情癡學道宜翻羨

掩關增靜理藥爐經卷是相知

蓼思招飲瀛洲閣賦贈

江干原不少軒車爲愛巖巒甘寂居赤壁朋遊張楚士

同黃

川曾滄江我是避秦漁鳥嘯凍雨來鬆几雁引涼雲入綺
二洛疏洗醜不知更漏換月華升樹影徐徐

層闌高處讓樓生玉几憑看似送迎裏煙鬟沈小閣遠
來練色洗空明醉鄉日月同王績歧路窮愁似步兵賭墅
莫忘經世事賴君五字作長城

和渝友秋晚

興亡閱盡六朝鐘黃葉蕭蕭逐晚風女拭寒砧嫌月冷僧
歸紅寺許雲封身如處士霜中菊命似神仙字後蟲秋去

幾程臨水送邗堪惆悵夕陽東

屠主事希綱 四首

希綱字文紀武陵人崇禎庚午舉人官兵部車駕
司主事 國朝授鄖縣教諭有涉園詩草二卷

清明途次感懷

去歲今朝淹薊北天寒春老柳無色今年今日漢江濱故
國煙花愁殺人煙花故國何如昔近日紛紛馳戰騎聞說
湘南又用兵羽書亂下宵呼吏吁嗟蒼赤亦何辜屈指狼
烽無歲無去年旱魃方爲虐死者溝壑生凋枯一旦兵來
如拉朽並此子遺亦烏有念之慘絕欲投簪况復陶潛輕
五斗

宜城道中

平野望逾廓風霾向夕昏
薄雲封古剎寒水抱空村
狐兔橫爭道藤蘿半掩門
人煙竟日斷那得不銷魂

途中雜述

便覺林塘晚煙嵐暗遠空
雲輕猶見月雨弱不禁風
世局驚濤內鄉關幻夢中行
藏難自定客思寄征鴻

途次聞鵑

春色凋零定幾分杜鵑聲裏
雨紛紛離人纔聽腸應斷
愁殺湖南日日聞

田宣撫霜霖

二首

霜霖字雙雲本溪州人
世爲客美司宣撫使與永

順司長官司田順朝施洛州土知州田茂年田家

崗長官司田蕃臣同族皆以前明洪武初承襲

國朝康熙初內附雍正初先後納土溪州田氏爲

南北江羈縻諸州之冠自漢以來雄長諸蠻與彭

氏舒氏向氏並稱宋史諸蠻傳所云南江諸蠻曰

獎曰錦曰懿曰晃田氏居之者也雙雲兄弟相繼

爲官撫使皆有詩才於諸田中尤爲雄傑以列爵

分土之貴與華門圭竇之子分題角藝亦佳話也

或云容美爲今鶴峯州隸湖北布政司非是集所

宜收顧田氏世長溪州工官都老分布參錯皆其

支屬容美尤四大司之一自納土改流版圖雖隸

文獻無徵乾隆中創修永順府志獨無諸田一字

殊爲闕典今從楚詩紀採入諸田詩以備永順一

郡掌故與借才異地藉光志乘者迴別固未容輕

議也

按湖南通志藝文志已收永順土司出甘霖人物傳志亦收田舜年

送黃中含翰林出訪當事

舊識中原路柴車傍鹿麋出圖君父計更結友朋知補曙
雞還唱遵途馬未疲平生習鑿齒四海有名馳

奉陪文相國鐵庵觀雨中白蓮

淨洗鉛華曉鏡中清香披拂倚微風不移玉井千年色較
勝西湖十里紅贈佩解憐殊粲粲凌波偏稱雨濛濛當筵
幸有瀛臺客詠賞應判醉碧筒

田宣撫既霖 二首

既霖字夏雲本溪州人相繼爲容美司宣撫使

淮陰侯

四百炎劉一手提侯身難保况王齊從來縛虎屠龍客未
有機權制牝雞

鄂城懷古

百戰山河感慨申荒臺何代舊王宮霸基幾度歸秦火故
物千年泣楚弓月冷兔園賓客散香銷巫峽雨雲空相過
無事頻回首自古興亡憾總同

田宣撫甘霖 一首

甘霖字特雲本溪州人相繼爲容美司宣撫使特

雲幼慧嗜學未襲爵之先曾補博士弟子員求應
鄉舉有敬簡堂集

追和坡翁和陶飲酒詩

籬邊握盈把何如浪落英蘇髯耐世徒確有不世情黃柑
洞庭釀無客呼共傾三徑紀甲子多少不平鳴不合時宜
者杯中了此生

田宣撫舜年 三首

舜年字韶初號九峯本溪州人容美司特雲公子
襲封宣撫使康熙壬戌以功 賜少傅兼太子太
傅左都督正一品印公善詩文喜結納著有白鹿

堂集清江紀行詩鈔

山居

帶影尋溪上閒心數泳魚選藤充几杖品石伴圖書小出
能頻至孤遊勝索居雖云殊汗漫自喜得常如
性不欺雲壑情憨境自新危峯堪引眺欹岸可垂綸兀坐
琴三弄寒泉響半勻塵纓差許濯卽是古皇民

自小園下尋水嶺

上山不計數涉水亦云多人踏雲頭出輿盤樹杪過紅顏
花踟躕青眼柳婆娑對此殊忘倦吟成費揣摩